

Laganefnd og stjórn Fíla gera tillögu að breytingu á 11. og 13. grein laga félagsins á aðalfundi félagsins 8. maí 2020.

## 11. og 13. grein fyrir breytingu:

### D. Stjórn og aðild að öðrum samtökum

11. gr.

Stjórn félagsins er kosin til eins árs í senn. Á aðalfundi eru kosnir 3 fullgildir félagar til setu í stjórn, formaður, ritari og gjaldkeri. IFLA fulltrúi og fulltrúi félagsins í Hönnunarmiðstöð eiga jafnframt sæti í stjórn með atkvæðisrétt. Formaður FÍLA er kosinn í sérstakri kosningu á aðalfundi en kjörin stjórn skiptir að öðru leyti með sér störfum. Við stjórnarkjör skal tryggt að a.m.k. tveir úr fráfarandi stjórn sitji áfram. Ritari er staðgengill formanns. Ef atkvæði falla jöfn ræður atkvæði formanns. Stjórnin skal halda fundargerðarbók.

13.gr.

Fastanefndir félagsins eru:

A) Almenn félagsmál: dagskrárefnd, samkeppnisnefnd, laganefnd og menntanefnd.

Samkeppnisnefnd fer með umboð félagsins í samkeppnum á vegum þess.

B) Sérstök mál: orðanefnd og siðanefnd.

IFLA fulltrúi og fulltrúi félagsins í Hönnunarmiðstöð eru kosnir sérstakri kosningu á aðalfundi. Aðrar nefndir velja sér formenn sem jafnframt eru talsmenn nefnda og skila ársskýrslu til stjórnar fyrir hvern aðalfund. Formenn nefnda skipa fulltrúaráð FÍLA sem hittist einu sinni á ári með stjórn til þess að samræma starfsemi FÍLA. Nefndirnar skulu starfa samkvæmt starfsreglum sem stjórn FÍLA ákveður í samráði við viðkomandi nefnd. Starfsreglur skulu staðfestar á félagsfundi. Seta í nefndum lýtur sambærilegum endurnýjunarreglum og seta í stjórn. Auk þess getur stjórn FÍLA skipað nefndir eða einstaklinga í tímabundin verkefni.

## 11. og 13. grein eftir breytingu:

### D. Stjórn og aðild að öðrum samtökum

11. gr.

Stjórn félagsins er kosin til eins árs í senn. Á aðalfundi eru kosnir 5 fullgildir félagar til setu í stjórn, formaður, ritari, gjaldkeri og tveir meðstjórnendur, sem fara með formennsku í dagskrárnefnd annars vegar og menntanefnd hins vegar.

Að lokinni kosningu í stjórn skal kjósa Ifla fulltrúa og fulltrúa félagsins í Hönnunarmiðstöð og eiga þessir fulltrúar ekki sæti í stjórn félagsins, en eru stjórn félagsins til aðstoðar um málefni sem tengjast verkefnum viðkomandi embætta.

Formaður FÍLA er kosinn í sérstakri kosningu á aðalfundi en kjörin stjórn skiptir að öðru leyti með sér störfum. Við stjórnarkjör skal tryggt að a.m.k. tveir úr fráfarandi stjórn sitji áfram. Ritari er staðgengill formanns. Ef atkvæði falla jöfn ræður atkvæði formanns. Stjórnin skal halda fundargerðarbók.

13.gr.

Fastanefndir félagsins eru:

A) Almenn félagsmál: dagskrárnefnd, laganefnd, menntanefnd og samkeppnisnefnd.

Dagskrárnefnd skipuleggur og sér um faglegt innra starf félagsins. Nefndin setur upp dagskrá fyrir starfsárið, útvegar gestafyrirlesara inn á félagsfundi ofl. tengt þeim. Jafnframt aðstoðar hún ritara félagsins með heimasíðu og samfélagsmiðla.

Laganefnd fjallar um breytingar á lögum FÍLA, fylgir eftir faglegum málefnum er varða réttindi félagsmanna (s.s löggildingu starfsheitis, séruppdrætti landslagsarkitekta o.fl.) auk þess að fjalla um lagaleg erindi sem berast FÍLA og varðar lög og reglugerðir frá Alþingi og stofnunum samfélagsins.

Menntanefnd fer með menntamál landslagsarkitekta og leiðbeinir stjórn félagsins við inntöku nýrra félaga í FÍLA. Nefndin heldur tengsl við helstu menntastofnanir sem mennta landslagsarkitekta og menntastofnanir fyrir tengd fög, s.s. skruðgarðyrkju, garðplöntufræðinga o.fl.

Samkeppnisnefnd fer með umboð félagsins í samkeppnum á vegum þess.

B) Sérstök mál: orðanefnd og siðanefnd.

IFLA fulltrúi, fulltrúi félagsins í Hönnunarmiðstöð, **formenn dagskrárnefndar og menntanefndar eru kosnir sérstakri kosningu á aðalfundi**. Aðrar nefndir velja sér formenn sem jafnframt eru talsmenn nefnda og skila ársskýrslu til stjórnar fyrir hvern aðalfund. Formenn nefnda skipa fulltrúaráð FÍLA sem hittist einu sinni á ári með stjórn til þess að samræma starfsemi FÍLA. Nefndirnar skulu starfa samkvæmt starfsreglum sem stjórn FÍLA ákveður í samráði við viðkomandi nefnd. Starfsreglur skulu staðfestar á félagsfundi. Seta í nefndum lýtur sambærilegum endurnýjunarreglum og seta í stjórn. Auk þess getur stjórn FÍLA skipað nefndir eða einstaklinga í tímabundin verkefni.

Núgildandi lög í heild sinni má sjá á heimasíðu félagsins <http://fila.is/wp-content/uploads/2020/04/L%C3%B6g-F%C3%8DLA-me%C3%B0-breytingum-eftr-a%C3%B0alfund-2019.pdf>